

明

史

明史卷五十七

志三十一

禮十五

賓禮 舊王朝貢禮 遣使之蕃國儀

三曰賓禮以待蕃國之君長與其使者宋政和間詳定五禮取周官司儀掌九儀賓客攢相詔王南鄉以朝諸侯之義故以朝會諸儀列為賓禮按古之諸侯各君其國子其民待以客禮可也不可與後世之臣下等茲改從其舊

蕃王朝貢禮蕃王入朝其迎勞戒見宴饗之禮惟唐制為詳宋時蕃國皆遣使入貢所接見惟使臣而已

明洪武二年詔定蕃王朝貢禮凡蕃王至龍江驛遣侍儀通贊二人接伴先期館人陳蕃王座于廳西北東向府尹出迎設座于廳東南西向以賓主接見宴畢府尹還蕃王送于門外明日接伴官送蕃王入會同館禮部尚書奉旨即館宴勞尚書至蕃王服其國服出迎相見宴享如龍江驛酒行作樂宴畢尚書反從官皆出蕃王與其從官送至館門外明日中書省奏聞命官一員詣館如前宴勞侍儀司以蕃王及從官具服于天界寺習儀三日擇日朝見前一日侍儀司設蕃王及從官次于午門外蕃王拜位于丹墀中

道稍西從官在其後設方物案于丹墀中道東西知
班二人位蕃王拜位北引蕃王舍人五人位蕃王從
官北鼓初嚴禮部陳方物于午門外次嚴執事官入
接伴舍人引班舍人引蕃王及從官立俟于午門三
嚴文武官入侍執事舉方物案蕃王隨其後由西門
入奉天西門至殿前丹墀西俟立皇帝服通天冠絳
紗袍御輿出陞座樂作止鳴鞭如儀蕃王及從官各
就拜位以方物案置蕃王拜位前贊拜樂作四拜興
樂畢班導蕃王陞殿宣方物官以方物狀從由西
陞陞樂作入殿西門內贊引至御前樂止贊拜蕃王

再拜跪稱賀致詞宣方物官跪于御座西宣狀承制
官詣藩王前宣制訖藩王俯伏興再拜出殿西門樂
作復位樂止贊辭樂作藩王及其從官皆四拜興樂
止禮畢皇帝興樂作至謹身殿樂止引班導藩王以
下出蕃王陛辭如朝見儀不傳制中書省率禮部官
送至龍江驛宴如初二十七年四月帝以舊儀煩勞
更定凡蕃國來朝先遣禮部官勞于會同館明日各
具其國服于奉天殿朝見行八拜禮畢即詣文華殿
朝皇太子行四拜禮見親王亦如之親王立受答後
二拜其從官隨蕃王後行禮凡遇宴會藩王班次居

侯伯之下凡蕃國遣使朝貢至驛遣應天府同知禮待明日至會同館中書省奏聞命禮部侍郎于館中禮待如儀宴畢習儀三日擇日朝見如蕃王禮承制官自中門出降詣使者前稱有制使者跪宣制曰皇帝問使者來時爾國王安否使者答畢俯伏興再拜承制官稱有後制使者跪宣制曰皇帝又問爾使者遠來勤勞使者俯伏興再拜承制官升殿中復命訖使者復四拜皇帝興樂作止如儀凡錫宴內使監陳御座于謹身殿設皇太子座于御座東諸王座于皇太子之下東西相向設蕃王座于殿西第一行東向

設文武官座于第二第三行東西相向酒九行上食
五次大樂細樂間作呈舞隊其蕃國從官坐于西廡
之下酒數食品間不作樂東宮宴蕃王則于殿上正
中設皇太子座設諸王坐于旁東西相向蕃王坐于
西偏諸王之下東向三師賓客諭德位于殿上第二
行東西向蕃王從官及東宮官位于西廡東向北上
和聲郎陳樂光祿寺設酒饌俱如謹身殿儀或宰相
請旨宴勞則設席于中書省後堂賓西主東蕃王從
官及左右司官坐于左司教坊司陳樂于堂及左司
南楹至日都堂遣官詣會同館請蕃王至省門外省

官迎入左右司官蕃王從官各從其後升階就坐酒
七行食五品作樂雜陳諸戲宴畢省官送至門外都
督府御史臺宴如之其宴蕃使禮部奉旨錫宴于會
同館館人設坐次及御酒案教坊司設樂舞是日禮
部官陳龍亭于午門外光祿寺官請旨取御酒置龍
亭儀仗鼓樂前導至館蕃使出迎于門外執事者捧
酒由中道入置酒于案奉旨官立于案東稱有制使
者望闕跪聽宣畢俯伏興再拜奉旨官酌酒授使者
北面跪飲畢又再拜各就座酒七行湯五品大樂細
樂陳雜戲如儀宴畢奉旨官出使者送至門外皇太

子錫宴則遣官禮待之省府臺亦置酒宴會酒五行食五品作樂不陳戲

遣使之蕃國儀遣使之蕃國賜璽綬及問遺慶吊自漢始唐使外國謂之入蕃使宋謂之國信使賀契丹生辰曰生辰使賀正曰正旦使明太祖既定天下分遣使者奉詔書往諭諸國或降香幣以祝其國之山川撫柔之意甚厚而不傷國體視前代為得凡遣使前期翰林院官承旨草詔至期陳設如常儀鼓三嚴百官入皇帝御奉天殿陞座禮部官捧詔書尚寶司奏用寶以黃銷金袱裹詔書置盤中置于案使者就

拜位四拜樂作止如儀承制官由中門出至丹陛上
宣制位稱有制使者跪宣制曰皇帝勅使爾某奉詔
諭某國爾宜恭承朕命宣訖使者俯伏興四拜禮部
官奉詔由殿中門出至使者位前以詔使者使者捧
詔書出午門置龍亭內駕興百官出使者入蕃國境
先遣闕人馳報于王王遣官遠接前期于國門外公
館設幄結綵陳龍亭香案備金鼓儀仗大樂又于國
城內街巷結綵設闕庭于王殿上設香案于其前設
詔使立位于香案之東設蕃王拜位于殿庭中北向
蕃國衆官拜位在蕃王之南重行北向設捧詔官位

殿陛之東北宣詔展詔官以次南俱西向詔使至迎
入館王率國中衆官及耆老僧道出迎于國門外儀
仗鼓樂導龍亭入使者隨之至殿上置龍亭于正中
使者立于其位蕃王及衆官等各入就拜位使者詣
前南向立稱有制蕃王以下皆四拜蕃王陞自西階
詣香案前北向跪衆官以下皆跪王三上香俯伏興
衆官以下皆俯伏興蕃王復位使者然龍亭取詔書
授捧詔官捧詔官捧詣闕讀案授宣詔官宣詔官受
詔展詔官對展蕃王以下皆跪聽宣訖仍以詔置龍
亭蕃王以下皆俯伏興四拜司贊唱指筭鞠躬三舞

蹈三拱手加額山呼出笏俯伏興復四拜凡拜皆作樂如朝儀禮畢使者以詔書付所司頒行蕃王與使者分賓主行禮其賜蕃王印綬及禮物宣制曰皇帝勅使爾某授某國王印爾其恭承朕至蕃國宣制曰皇帝勅使某持印賜爾國王某并賜禮物餘如上儀

禮十六

軍禮

親征 遣將 禡祭 受降 奏凱獻俘 論功行賞
大閱 大射 擊毬射柳 教日伐鼓

四曰軍禮親征為首遣將次之師之出也有禡祭之
禮其還也有奏凱獻俘論功行賞之禮平居有閱武
大射擊毬射柳之禮而教日伐鼓之制亦以類附焉
親征洪武元年閏七月詔定軍禮中書省臣會諸儒
臣議古者天子親征所以順天應人除殘去暴以安
天下自黃帝習用干戈以征不事此其始也周制天
子親征則類于上帝宜于大社造于祖廟禡于所征

之地及祭所過山川師還則奏凱獻俘于廟社後魏
有宣露布之制唐仍舊典宋亦間行焉于是歷考舊
章定為親征禮奏之前期擇日祭告天地宗廟大社
皇帝服武弁乘革輅備六軍其牲幣作樂皆行三獻
禮其儀與祀天地時享太廟春秋祭社稷之儀同又
于國南群神祠設旂彝行禡祭禮凡所過山川有司
具牢饌岳鎮海瀆用大牢其次用少牢又次用特牲
若行遠則用酒脯而已祭器止用簋豆各一前期齋
戒一日服通天冠絳紗袍省牲視滌滌祭之日皇帝
服武弁行一獻禮凱旋告祭宗廟社稷行三獻禮與

出師同獻俘廟社以露布詔告天下然後論功行賞
正德四年八月禮部上親征祭告儀並如集禮所
載又上親征頒詔儀上具冕服御華蓋殿執事官行
五拜禮鴻臚寺官奏請陞奉天殿百官四拜出至承
天門外候鴻臚寺官贊頒詔翰林官捧詔書授禮部
官禮部官捧置雲盤內案上校尉擎雲蓋俱從殿左
出至午門外禮部官捧置絲輿內鼓樂導引至承天
門外百官四拜唱宣讀展詔官升案稱有制衆官皆
跪宣訖禮部官捧詔書置雲盤中百官復四拜揖
三舞蹈山呼出笏俯伏興四拜序班報鴻臚寺官跪

奏禮畢駕輿百官以次出禮部官捧詔書授錦衣衛
官置綵輿中以綵索繫于龍竿頒降禮部官捧詔書
置于龍亭內鼓樂迎至禮部授使者頒行天下十五
年十一月禮部尚書毛澄等言宸濠悖逆皇上親師
六師往正其罪與宣德間親征漢庶人高煦故事相
同但一應禮儀無從查考請于師還之日聖駕從正
陽門入遣官告謝天地太廟社稷皇上詣奉先殿親
筵殿各謁見畢朝見皇太后次白早御午門樓文武
百官朝見行五拜三叩頭禮畢行獻俘禮乃擇日詔
告天下兵部奏江西之捷言隨駕太監魏彬大學士

梁儲等又都御史王守仁等功各有差俱宜陞賞首
稱帝云威武大將軍總兵官後軍都督府太師鎮國
公總督親征指授方畧以致元惡就擒且軍令嚴明
所至秋毫無擾臣等覩茲盛事不勝慶幸十二月帝
還京文武百官迎于正陽橋南是日太輝軍容偉諸
從逆者及家屬數千人陳輦過東西陸完錢寧等亦
皆裸體反接以白幟標姓名于首死者懸首于竿亦
標以白幟凡數里不絕帝戎服乘馬立正陽門下閱
視良久乃入諸俘者自東安門踰大內而出彌望皆
白幟者訝其非美觀云

遣將洪武元年中書省臣會官議奏王者遣將所以
討邪罪除民害也書稱大禹徂征詩美南仲薄伐史
記引兵書曰昔王者之遣將跪而推轂漢高命韓信
為將設壇具禮北齊親授斧鉞唐則告于廟社又告
太公廟宣露布以告衆宋則授旌節于朝堂次告廟
社又禡祭黃帝師還亦先奏凱獻俘于廟社後奏獻
于宣德門樓今定遣將禮前期侍衛陳設如朝會議
是日皇帝服武弁服御奉天殿大將軍入就丹墀四
拜由西階升殿西門入拜跪承制官宣制以節鉞
授大將軍大將軍受節鉞以授執事者俯伏興再拜

設御位于廟庭之南正中北向大將及陪祭官位于
御位南文東武西重行三向設御史位于香案前三
右贊禮位于御史南東西相向傳贊贊引之位次之
祭日清晨建牙旂六纛于神位後皇帝服武弁自左
南門入至位北向立迎神再拜奠幣行初獻禮詣軍
牙神位前讀祝官跪讀祝皇帝再拜詣六纛神位前
禮同亞獻終獻亦如之不讀祝詣飲福位再拜飲福
受胙再拜掌祭官徹豆贊禮唱送神皇帝再拜執事
官各以祝幣掌祭官取饌俱詣燎所太常奏請望燎
執事殺雞刺血于酒碗中酌神燎半爇禮畢皇帝還

大次解嚴。凡行禮在位陪祭官皆同。始遣將刺于旂
纛。廟銀備牲牢幣帛。行三獻禮。大將為初獻。管叔
為亞獻。終獻皆祭將。畢則割雞滌血以醑神。以雞柳
于四方。

受降。洪武四年七月。指揮萬德送明昇并降表至京。
師帝聞大軍下蜀。命中書集議受降等禮。省部言。
宋太祖乾德三年。蜀王孟昶降昶及子弟偽官李昊等
三十二人至闕下。皆素服。以帽遮行。罪表俯伏于地。
通事舍人掖昶起。鞠躬。命宣制。釋罪。昶等再拜。三
呼萬歲。闕門使承旨賜昶等襲衣冠帶。昶等再拜跪。

出降陞後位四拜皇帝還宮大將軍出至午門外勒
所如將士建旂幟鳴金鼓正行列執桴節鉞奏樂前
導百官以次送出造廟宜社之禮就命大將具牲幣
行一獻禮與遣官奏告廟社儀同其遣將告武成王廟
儀前期大將以下諸將陪祭官詣廟所清齋肆儀前
二日大將省牲祭日大將于幕次僉祝版入就位再拜
詣武成王神位前上香奠幣再拜進熟酌獻讀祝再
拜詣飲福位再拜飲福酒受酢復再拜徹豆望燎畢
其配位前亦大將行禮兩廡神位前分獻官行禮
禡祭親征前期皇帝清齋一日大將及陪祭官皆如

之設皇帝大次于廟庭之東皇太子次于大次之東
讓膺牲位于南門外前一日皇帝服通天冠絳紗袍
省牲詣神廚視鼎鑊滌滌還大次所司洒掃執事設
軍牙六纛神位于廟殿中之北軍牙在東六纛在西
設籩豆十二于神位東三行西上豆十二于神位西
三行東上簋簋各二于籩豆間簋東簋西鉶三登三
于籩豆前俎三于登鉶前香案于俎前爵站于香案
前沙池于爵站前酒尊于殿東幣篚位于酒尊北
爵洗位于酒尊前御洗位于酒罇南瘞坎位于神位
西北設席于坎位前上置酒碗五雄雞五以候酌神

原缺

明史卷五十九

志三十三

禮十七

凶禮一 山陵

次五曰凶禮凡山陵寢廟與喪葬服紀及士庶喪制皆以類編次其謁陵忌辰之禮亦附載焉熙祖陵在鳳陽府泗州贛城北洪武初上尊號曰祖陵設知州祠祭署置奉祀一員陵戶二百九十三戶似灑掃仁祖陵在中都鳳陽府太平鄉明初太祖至濠州追念太祖太后始葬禮有奉備議欲改葬不行謁陵但增土以培其封今陵有故人汪文劉英招致鄰黨二十

家以守陵墓洪武二年上尊號曰英陵後改尊號曰
皇陵設皇陵衛并祠祭署奉祀一員祀丞三員俱勲
舊世襲置陵戶三千三百四十二戶供直宿灑掃于
內選禮生二十四名供祭祀執事四年禮部奏准鳳
陽陵廟宜如唐宋同堂異室之制作前殿及寢殿俱
一十五間殿之前俱爲側階東西各二間爲夾室
如晉儒王肅所議中三間通爲一室奉德祖神位以
備祫祭東一間爲一室奉懿祖神位西一間爲一室
奉熙祖神位十九年命禮部製德祖帝后懿祖帝后
熙祖帝后衮冕冠服命皇太子至泗州盱眙縣修繕

祖陵葬衣冠祭告謂萬幾之冗未獲躬詣拜掃今特遣元孫皇太子以牲醴之奠詣陵修繕敬華衣冠以伸孝思洪武三十一年閏五月十日太祖崩遺詔天下臣民令到三日皆釋服嫁娶飲酒無禁毋發民哭臨宮中當臨者皆以旦脯各十五舉哀非旦脯臨毋哭當給事及哭臨者毋跣經帶毋過三寸諸王各于本國哭臨不赴京中外官毋離信地禮部議定京官聞喪次日素服烏紗帽黑角帶赴內府聽宣遺詔於奉署齋宿朝脯詣几寢哭第四日成服朝脯哭臨至葬乃止孝服自成服日始二十七日除其命婦亦于

第四日具孝服由西華門入哭臨諸王世子郡王王妃郡王妃卿主內使宮人傳薪裹三年二十七日除凡臨朝視事素服烏紗帽黑角帶退朝服衰服羣臣麻布圓領衫麻布冠麻經麻鞋命婦麻布大袖長衫麻布蓋頭明器如所用鹵簿神主用栗差行人贊遺詔天下開讀外官詔書到日素服烏紗帽黑角帶四拜聽宣讀訖舉哀再四拜第四日成服爲始哭臨三日除各令官一員赴京致祭祭物禮部備十六日葬孝陵在南京鍾山之陽設神宮監并孝陵衛及祠祭署建文帝欲行三年喪禮有司奏不可帝曰非效古

人諒闇不言也郊社宗廟將執紼而行事朝貢訟獄
罔敢不親但朝則麻冕麻裳退齊衰杖經食則鍾鼎
有何不可羣臣奏曰陛下既不廢政事而自致哀情
敢不惟命遂定儀以進永樂二十二年七月十八日
文皇帝崩于榆木川遺詔喪服禮儀一遵太祖遺制
八月龍舉度開平大學士楊榮御馬監少監海壽等
自行在致大行皇帝遺命皇太子哭慟幾絕強起拜
受命進榮等問故復慟哭皇太子孫親王以下皆慟哭
易服宮中設几筵朝夕哭奠皇太子命皇太子孫馳赴
開平恭迎大行皇帝龍舉命行營大小官軍悉聽皇

太孫節制作梓宮報訃各王公主諭告中外百官素服朝夕哭臨思善門外禮部建會議喪禮宮中自皇太子已下及諸王公主皆自處服日爲始服斬衰三年二十七月而除凡王服內並停音樂嫁娶其祭祀止停百日在京文武官初聞喪素服烏紗帽黑帶明日清晨詣思善門外哭五拜三叩頭而退宿于本署不飲酒食肉第四日具衰服詣思善門外朝夕哭臨三日又朝臨十日各十五舉聲衰服二十七日凡入朝及視事用布裹紗帽垂帶素服腰經麻鞋退服衰服二十七日外素服烏紗帽黑角帶二十七月而

除聽選辦事等官衰服人才監生吏典僧道諸人素服赴順天府朝闕設香案朝夕哭臨三日又朝臨三日各十五舉聲仍素服二十七月而除文武官命婦聞喪第四日清晨由西華門入哭臨三日皆去金銀首飾素服二十七月凡音樂祭祀官民並停百日男女婚嫁官員停百日軍民停一月軍民素服婦人素服不粧飾俱二十七日在外以聞喪日爲始令到如舊儀第四日成服每旦率屬僚諸人服衰服就本署朝闕設香案朝夕哭臨三日又朝臨十日各十五舉聲衰服二十七日衙門視事如京官儀素服二十七

月而除命婦聞訃素服舉哀三日二十七月而除軍
民男女皆素服二十三日凡齊集祭祀嫁娶俱如京
師命禮部京官孝服給麻布一疋自製四裔使臣工
部造與孝服諸王公主遣官及内外文武官詣几筵
祭祀者光祿寺備祭物翰林院撰祭文禮部司赴恩
善門外行禮京城聞喪日爲始寺觀各聲鐘三萬杵
禁屠宰四十九日龍輦次雕鶚堡皇太孫至御營哭
迎軍中始發喪六軍號慟聲徹天地在京文武百官
褻服軍民素服哭迎大行皇帝龍輦于居庸關及郊
皇太子親王及文武羣臣皆褻服哭迎至大內奉安

于仁智殿加欽奉納梓宮遣中官賁奉大行皇帝遺冠服作書送漢王高煦趙王高燧禮部尚書呂震言喪服已踰二十七日請如太祖太宗遺命以日易月釋衰從吉帝謂梓宮在殯吾豈忍易乃素冠麻衣麻經視朝退仍衰服羣臣聽從其便十二月禮部建葬祭等儀發引前三日行奏告禮預齋戒百官出宿於公署三日遣官以葬期告天地宗廟社稷皇帝衰服告几筵皇太子親王以下皆衰服隨班行禮百官衰服朝一臨至發引止京師內外自此至附祭日禁樂自此至葬畢禁屠宰發引前一日遣官祭金水橋午

門端門承天門御橋大明門德勝門清河橋沙河京
都應祀神祇并經筵處應祀神祠儀用酒果醴饌香
燭是夕設辭奠皇帝后妃皇太子親王以下皆衰服
以序致祭司禮監禮部錦衣衛官提督執事者設太
昇輿于午門外依圖式陳設葬儀于午門外并大明
門外發引日設啓奠內侍陳設禮饌拜位如常儀皇
帝暨皇太子親王以下衰服各四拜奠帛獻酒讀祝
四拜舉哀興哀止望瘞皇帝詣几筵殿內少東西向
立皇太子親王以下丹陛上稍東立執事者升徹帷
幕等物拂拭梓宮畢內侍徹啓奠內執事官進龍輅

於几筵殿下設真亭神帛興謚冊寶興于丹陛上設
祖奠如啟奠儀皇帝詣梓宮前稍東西向主皇太子
由殿左門入立于皇帝之南稍東西向親王以下俱
于丹陛上稍東西向內侍于梓宮前跪奏請靈駕進
發捧謚冊寶神帛由殿中門出各置輿內次捧銘旌
由中門出執事官升捧梓宮內執事持翼左右蔽幃
宮降殿內侍官跪奏請梓宮升龍輜執事官奉登龍
輜訖以綵帷飾梓宮執翼仍列左右內侍持繖扇侍
衛如儀列舊所御儀仗檐前謚冊神帛真亭銘旌以
次行皇帝由殿左門出后妃皇太子親王及宮眷後

隨至午門內設遣奠如祖奠儀內侍跪奏請靈駕進
發司禮監官率儀衛諸司寶輿等前行皇帝前跪奏請還
太子親王以下皆哭盡哀內侍呼皇帝前跪奏請還
宮后妃以下俱還宮執事昇梓宮由中門出至午閣
外禮官跪奏請梓宮升大昇輿執事官奏升輿訖禮
官跪奏請靈駕進發司禮監禮部錦衣衛官提警葬
儀以次前行皇太子親王以下哭送出端門外行辭
祖禮執事官預設褥位于太廟中香案前皇太子葛
常服詣輿跪捧神帛由廟街左門入至褥後跪置神
帛于褥輿興皇太子正立于神帛後跪禮官跪于皇太

子之左奏太宗體天弘道高明廣運聖武神功純仁
至孝文皇帝謁辭禮官興皇太子俯伏興贊五拜三
叩頭禮畢皇太子跪捧神帛興以授禮官禮官告奉
輿中跪奏請靈駕進發皇太子仍喪服親王以下隨
行梓宮由承天門大明門中門出皇太子以下由左
門出步送至德勝門外乘馬送至陵在途并至陵俱
朝夕奠哭臨諸王皇親駙馬公侯伯及文武百官軍
民耆老四品以上命婦以序緣還設次致祭祭畢文
武官不係山陵執事處分送者并命婦耆老悉還大
昇輿行緣途每程設校尉舁送選委內官同錦衣衛

官提督務在起止有節行步安徐緣途宿頓之處預
先搭蓋席殿仍置簾幕房以貯儀仗等物至陵執事
官先陳龍輅于獻殿門外俟大昇輿至禮官詣大昇
輿前跪奏請靈駕降輿升龍輅詣獻殿執事官奉梓
官升龍輅由中門入皇太子親王俱由左門入詣獻
殿安奉訖謚冊寶等輿仍陳于前行安神禮執事陳
禮饌如常儀皇太子詣拜位四拜興贊跪奠酒讀祝
俯伏興贊四拜舉哀興哀止贊禮畢親王以下隨拜
如常儀遣官祀告后土昇天壽山設遷奠祈禮如上
儀將掩元宮皇太子以下詣梓宮前跪內侍奏請董

儀衛教坊司備鼓吹不作百司衰服奉候城外神主
入幄次百官序列于前行五拜三叩首禮神主進行
百官後從至午門外皇帝衰服奉迎于午門內神主
至舉哀步導神主升几筵殿內皇帝立殿上稍東西
向內侍跪奏請神主降輿升座行安神禮皇帝四拜
興跪奠酒讀祝俯伏興四拜舉哀興哀止皇太子親
王以下陪拜如常儀鴻臚寺引百官于思善門外隨
班行禮傳唱如儀明日百官行奉慰禮虞祭內侍陳
饌饌拜位于几筵前如常儀皇帝暨皇太子親王
以下衰服各就拜位行四拜禮初獻奠帛獻酒讀祝

亞獻終獻贊四拜舉哀興哀止望瘞卒哭行虞祭後
剛日禮同虞祭自是罷朝夕奠祔專用卒哭之明日
太常寺陳設禮饌于太廟如時享之儀樂設而不作
設儀衛繖扇于午門外內侍官設皇帝拜位于几筵
殿上進御輦于殿前丹陛上皇帝褻服四拜舉哀興
哀止立于拜位之東西向內侍詣靈座前跪奏爾太
宗文皇帝神主降座升輿詣太廟祔享捧神主由殿
中門出安奉於御輦內侍執繖扇侍衛如儀至思善
門外皇帝易祭服升輅後隨至午門外儀衛繖扇分
列于太廟南門外之左右皇帝易御輦前跪太常卿

駕赴元宮俯伏興執事官升奉遷梓宮入皇堂安舉
訖內侍捧謚冊寶置于前陳列明器行贈禮執事官
陳禮饌于皇堂門外奉玉幣于香案前皇太子四拜
興贊跪奠酒進贈執事官捧玉帛跪進于右皇太子
受玉帛獻以授內執事捧入皇堂安置俯伏興四拜
舉哀興哀止遂掩元宮行享禮如遷奠儀遣官祠謝
后土及天壽山內侍設香案于元宮門外設題主案
于前西向設皇太子拜位于前北向內侍盥手出主
于案上題主官盥手西向題主畢內侍奉主置于神
座藏神帛于箱中置其後內侍跪奏請太宗文皇帝

神靈上神主贊四拜興跪獻酒讀祝俯伏興四拜舉
哀興哀止內侍啓讀受主訖跪奏請神主降座升興
至獻殿跪奏請神主降興升座拊初虞禮執事官陳
禮饌于神主前皇太子四拜興初獻跪奠帛奠酒讀
祝俯伏興亞獻終獻四拜舉哀興哀止望座內官捧
神帛箱埋于殿前焚凶器于野葬日初虞柔日再虞
剛日三虞後間日一虞至九虞止在途皇太子行禮
還京皇帝親行禮神主啟行將還內侍跪奏請神主
降座升興還京儀仗侍衛如儀皇太子後隨在途仍
朝夕奠神主還京先于城外置幄次至日錦衣衛備

跪奏請太宗文皇帝神主降輦詣太廟祔享皇帝爵
伏興捧神主由左門入至丹陛上典儀唱太宗文皇
帝謁廟內贊奏請詣神位前至一廟前內侍捧神主
至褥位皇帝于神主後行八拜禮二廟三廟四廟五
廟俱八拜畢內侍捧神主北向太常卿立壇東西向
唱賜坐皇帝搢圭奉神主安于座詣拜位行祭禮如
時享之儀文官五品以上武官四品以上隨班行禮
太常卿跪奏請太宗文皇帝神主還几筵皇帝捧神
主由廟左門出至門外要擊手御輦儀衛緞扇導從
如來儀皇帝升輅後隨至午門外儀衛止皇帝至思

善門降輅釋祭服易裘服隨御輦至几筵殿前內侍
跪奏請神主降輦升座皇帝由殿左門入行安神禮
如前儀禮畢皇帝釋服還宮明日百官素服行奉慰
禮大祥奉安神主神座儀物于太廟先一日遣寧祭
告太廟至日上祭告几筵殿皇太后皇后以下各祭
一壇王府遣官共祭一壇在京文武官共祭一壇禪
祭遣親王詣陵行禮太宗陵在京師昌平縣天壽山
曰長陵洪熙元年五月十二日仁宗崩遺詔山陵制
度務從儉約喪制用日易月皆以二十七日釋服毋
禁嫁娶音樂在外親王藩屏爲重不可輒離本國各

處文武官員亦毋擅離職守聞喪之日止於本處朝夕哭臨三日悉免赴闕行禮六月辛丑皇太子還自南京至良鄉宮中始發喪宣遺詔文武百官常服于午門外行四拜禮宣畢舉哀復行四拜禮中官楊瑛同戶部尚書夏原吉禮部尚書呂震捧遺詔赴廟橋迎皇太子文武百官易素服出迎禮工部先於橋南設幕次香案皇太子至常服詣幕次香案前行四拜禮跪聽宣遺詔皇太子哭慟幾絕強起復四拜易素服黑翼善冠黑角帶還幕至長安右門下馬步哭至宮門外釋冠服披髮詣大行皇帝靈前五拜三叩

首哭盡哀宮中自皇后以下皆披髮哭盡哀皇太子
就喪次東覲母后親主哭次見皇太子畢各居喪次
行祭告禮報訃各王公主頒遺詔于天下皇太子命
行在禮部會議喪服禮儀除遵依大衍皇帝遺詔外
餘悉如去年八月之制爲宜惟改在京朝夕哭臨三
日後又朝臨止七日在外止朝夕哭臨三日無親臨
之禮文武官一品至四品命婦入哭臨壬寅大斂甲
辰成服諸王以下並遵遺詔喪服二十七日而除七
月戊辰朔禮臣請帝服淺淡色衣烏紗翼善冠黑角
帶于奉天門視事百官皆淺淡色衣烏紗帽黑角帶

朝叅如常儀退朝仍終太宗文皇帝服制帝曰朕心何能忍雖加一日愈于已是日仍素服坐西角門不鳴鐘鼓令百日後再議己巳上尊謚廟號八月命行在工部建仁宗昭皇帝陵寢殿五間左右廡各五間門樓三間神厨五間并祭器禮部尚書呂震言喪服已百日請帝易素服御奉天門帝曰皇考劬勞大德奄至遐棄梓宮在殯旦夕瞻奉几筵中心何忍候山陵事畢再議梓宮將葬文武百官于本署齋宿三日次早褻服朝臨如儀至發引日止京師內外至拊祭日止皆禁音樂自發引前三日禁屠宰至葬畢止以

奉葬仁宗遣太師英國公張輔告昊天上帝后土皇
地祇太保寧陽侯陳懋告太社太稷定國公徐景昌
告太廟太皇太后九月丁酉朔仁宗昭皇帝梓宮發
引帝恭率親王陳啓真祭告其祖真至安厝悉遵葬
太宗儀命襄王瞻塏護喪行禮皇親公侯伯至文武
四品以上命婦服麻布大衫蓋頭赴順天府東護祭
處所恭候梓宮至共祭一壇祭畢各回公侯伯忠勇
王外國使臣共祭一壇駙馬共祭一壇各部都察院
等衙門官共祭一壇錦衣等衙門官共祭一壇順天
府并所屬官耆老共祭一壇在外各王府所遣官共

祭一壇自土城外至山口緣途以次行禮在京大小
文武衙門各分官送葬就于祭壇所恭候致祭非係
分送者俱送出德勝門土城外行五拜三叩首禮舉
哀畢辭回壬寅葬獻陵先是仁宗賓天帝命有司擇
葬地得吉兆于天壽山之陽召尚書蹇義夏原吉諭
之曰國家以四海之富葬其親豈惜勞費然古之聖
帝明王皆從儉制凡孝子思保其親體魄于永久者
亦不欲厚葬秦漢厚葬之患足爲明戒况皇考遺詔
務從儉約天下所共知今蘿山陵宜遵先志于是命
歲山侯王通工部尚書王福總其事其制度皆帝所

規畫三月告成至是葬其山周正圓厚岡巒拱揖川
源逶迤與長陵相比云乙巳神主還京文武百官衰
服出迎于德勝門外行五拜三叩首禮從神主至午
門外帝衰服奉迎步導升几筵殿奉安于靈座行樂
神禮丙午文武百官以葬獻陵行奉慰禮神主祔廟
文官五品以上武官四品以上各具祭服赴太廟陪
祭吏部尚書蹇義等言皇上孝思無窮而禮貴得宜
今祔廟後仍素服于西角門視朝至孟冬行時享禮
太常奏祭祀是日鳴鐘鼓止服黃袍御奉天門視朝
至歲暮時享亦然禪祭後始釋素服帝可其奏宣德

十年正月三日乙亥宣宗崩遺詔內外喪服俱二十七日而除告于奉先殿報訃音于宗親行在禮部進儀注如獻陵故事惟改命婦哭臨自一品至三品並送葬致祭仍自四品以上六月二十一日辛酉葬于天壽山陵曰景陵天順八年正月十七日庚午英宗崩遺命東宮速擇吉即位過百日成婚及定后妃名分殯殮罷物且云殉葬非古禮仁者所不忍衆紀勿殉葬遂告于奉先殿頒遺詔于天下報訃進儀注如舊儀二月營建陵寢于天壽山薦名裕陵勅太監王順撫寧伯朱永工部尚書白圭等督軍匠營造五月

甲寅發引帝褻服率親王詣几筵行啓奠禮繼行祖
奠禮梓宮升龍輜帝率親王哭隨至午門梓宮升大
輿帝行遣奠禮還宮梓宮由午門中門出親王哭送
靈駕出端門外行朝祖禮梓宮由承天門出大曠中
門王以下步送至德勝門外文武百官褻服送至德
勝門外土城不係執事分送官祭畢回沿途皇親及
羣臣命婦各有祭丁巳梓宮至山陵獻殿遣官告長
陵獻陵景陵后土之神天壽山之神庚申葬裕陵是
日題主畢奉神主詣獻殿行安神禮如儀壬戌神主
將至京文武百官具褻服出城奉迎行五拜三叩首

禮帝衰服率親王奉迎于午門帝舉哀步行前導親王後隨至宮門外太后并妃及公主宮眷等迎神主至几筵行安神禮畢是日帝服素翼善冠素服腰經御西角門百官黑冠帶淺淡色服行奉慰禮癸亥禮部言遺詔喪禮以日易月皇上孝心純至不忍釋服今百日已過山陵既畢請御奉天門視朝諸凡禮儀悉從吉典從之景皇帝當天順元年英宗復辟二月復爲郕王是月十九日崩于西宮謚曰戾葬西山成化十一年十二月復皇帝號上尊謚成化二十三年三月二十二日憲宗崩服既除帝仍素翼善冠麻衣

腰經視朝不鳴鐘鼓百官素服朝參百日後如常弘
治元年未及小祥正旦帝黃袍御殿受朝次日仍黑
翼善冠淺淡服犀帶二年八月大祥前期三日齋戒
前一日免朝遣官詣太廟行祭告禮至日內侍護神
主輦一冊寶亭二于几筵前丹陛上帝淺淡服行祭
禮如常儀司禮監官詣几筵前跪奏請神主升輦詣
太廟奉安內侍二員捧神主四員捧冊寶俱由殿東
門出安奉于輦及冊寶亭內繖蓋侍衛如儀帝隨行
至右順門易祭服升輅後隨至午門外儀衛繖蓋前
導至廟街門內帝降輅詣神主輦前跪司禮監官參

請神主奉安太廟內侍捧神主冊寶前行帝後隨由中門入至寢廟奉安訖帝叩頭興由殿東欄干內轉出至前殿丹陛上祭祀如常儀文武官祭服隨班行禮祭畢詣奉先殿行奉安神位禮先期于奉天門書寫神位內侍捧至武英殿帝施硃漆是日奉置殿中絳亭內候太廟祭畢帝仍服祭服升輅詣武英殿前降輅升殿奉迎神位內侍八員舉神位亭由中門出帝升輅後隨由思善門入至奉先殿門外帝降輅司禮監官導詣神位亭前跪司禮監官跪奏請神位奉安奉先殿內侍捧神位前行帝後隨由中門入至奉

先殿奉安訖帝叩頭興就位行祭告禮用樂至禋祭
免朝一日擇日遣官詣陵致祭憲宗陵在天壽山曰
茂陵弘治十八年五月八日孝宗崩告奉先殿頒遺
詔報訃嚴京城守衛禮部會翰林院議大喪禮如舊
儀癸卯禮部請御西角門視事帝曰朕哀痛方切未
忍遽離喪次其以六月二日視朝是日早帝衰服始
御西角門視朝文武百官行奉慰禮至初五日遵遺
詔服制已滿帝釋衰服易素翼善冠麻布袍腰經御
西角門視事不鳴鐘鼓文武百官素服烏紗帽黑履
帶皂靴朝參至百日後例應變服禮部言梓宮未入

山陵臣子豈遽忍釋凶耶吉請帝仍素翼善冠麻布袍服腰經御西角門視事百官仍素服朝參從之十月初十日勅駙馬都尉蔡震護喪并領在途諸祭祀事其把總內官及入皇堂內官內使匠作各奉勅行事禁屠宰至葬畢止禁音樂至卒哭日止自是至奉迎神主還京俱免朝十四日遣保國公朱暉駙馬都尉樊凱以葬期告天地宗廟社稷帝衰服告几筵行禮如常儀十五日帝告辭几筵行禮如前儀十六日梓宮起行先一日司禮監禮部錦衣衛官督諸執事罷哭鼎興于午門內列葬儀於午門外至大明門外

帝衰服行啓奠禮次行祖奠禮次行遣奠禮如常儀
先是禮部上梓宮發引儀注自辭靈至虞祔簪祭茶
玉俱在陪列既而王以疾奏免禮部請以駙馬簪官
捧帛朝祖帝曰朝祖捧神帛朕自行于是禮部更上
朝祖儀注帝如儀行禮畢還宮禮官奏請靈駕進發
親王仍衰服隨行梓宮出至大明中門外親王俱還
宮百官衰服步送至德勝門土城外俟祭畢回其執
事及分送官騎送至陵俟事畢而還沿途皇親及羣
臣命婦各祭如儀梓宮在途并至陵朝夕奠哭臨饗
護喪官行禮至陵奉梓宮升龍輅由中門入詣獻殿

安奉行安神禮遣駙馬馬誠游泰黃鋪崔元林岳縣
告長陵獻陵景陵裕陵茂陵工部侍郎李鑑告后土
之神新寧伯譚祐告天壽山之神十九日將掩元宮
行還奠禮執事官升奉還梓宮進皇堂安奉訖內侍
官奉謚冊寶置示前陳列冥器等物遂掩元宮行享
禮陵白秦陵題神主內侍奉安神座後奏請神主降
座升靈輿至獻殿行安神禮神主至京奉迎如舊儀
神主至几筵帝親行安神禮二十六日奉神主祔廟
行禮如儀翌日帝黑翼善冠淺淡色服黑犀帶御奉
養門百官行奉慰禮是後始鳴鐘鼓鳴鞭文武百官

奏事如常儀各王府進香者俱令鴻臚寺官引赴山陵進獻正德十六年二月武宗崩于豹房九月葬康陵嘉靖元年十二月以武宗禪祭遣駙馬都尉富山侯崔元詣康陵行禮嘉靖四十五年十二月五日嘉世宗崩禮部考故事進儀注奉令旨免命婦哭臨隆慶元年正月帝褻服御宣治門視事百官素服腰經奉慰至二十七日後帝易素翼善冠麻布袍腰經御宣治門百官素服烏紗帽黑角帶皂靴朝參三月十一日梓宮發引帝褻服于午門內行遣奠禮哭盡哀還宮梓宮由午門中門出至太廟朝祖遣官捧神

帛行禮梓宮在途并至陵朝夕奠哭臨俱護喪官行
禮十七日掩元宮神主還京護喪官後隨仍朝夕奠
初虞至七虞俱在途八虞在城外俱護喪官行禮二
十二日至京安神後九虞帝親行禮陵曰永陵隆慶
六年五月二十六日庚戌穆宗崩九月十九日葬昭
陵萬曆四十八年七月二十二日丁酉神宗崩告于
奉天殿命禮部會翰林院議大喪禮儀二十三日大
殮頒遺詔于午門二十四日成服免命婦哭臨并祭
百官奉饗勸進至三上乃允八月丙午朔光宗即位
禮部奏喪服列代皆有制度而斷自孝宗蓋孝宗篤

于親喪禮詳且備故武世穆三廟皆宗之今准舊制以縗服御文華門視事百官素服朝參候梓宮發引除從之定新陵名曰定陵命給事中惠世揚御史韓貞巡視陵工至開隧道命侍郎王永光行禮費至八百餘萬泰昌元年九月朔光宗崩天啓元年正月命大學士韓爌相度山陵以陵寢開工遣官祭告各陵及后土天壽山司工等神二年七月以慶陵享殿上梁遣工部尚書姚思仁祭告后土三年八月丙申光宗梓宮發引遣官祭告郊廟勅駙馬都尉侯拱宸光山陵奠獻使侯吳汝循護梓宮行提督京營侯陳良

弼率官軍圍守禮部侍郎周道登鄭以偉監禮九月

壬寅葬慶陵遣大學士劉一璟題主